

續猗氏縣志

巽



續猗氏縣志序



夫般垂效工必程材以構象牙曠調律恒隨器以變音水行乘舟挽於陸則膠矣夏暑衣葛披於冬則慄矣矧夫地有險易時有亨屯或郊圻接壤而區畫迴殊或後先同軌而功過相反朝廷命七品官知一縣事將覽利病慎修舉杜僞牒之弊剔竄簿之奸必揆地勢酌土風因之革之以歸於畫一舍圖籍其奚據昔沛公入咸陽諸將皆爭取金帛蕭何獨先收圖籍不知者以爲刀筆吏之所爲也其知者以爲賢宰相之急務也地官土訓掌道地圖誦訓掌道方志志乘

續猗氏志

序

一

之設自古爲昭矣癸亥秋初余始蒞猗見夫東峙姑射南拱中條北障孤山西連蒲坂誠河中浩穰之區也急思所以整紛釦蠹因地制宜者而不可得披舊志並舊續志則戶口升降之數田賦登耗之詳今昔異形動輒柄鑿大者如此小者可知不於此時繼往示來別爲一冊浸假而時會屢遷簡牒益歧雖有敏達之吏慈惠之師才足以燭奸志在於除弊沿波討源恟恍無據其何以勸農桑均租庸理訴詞挽人心之澆薄返風俗於古處而使自茲以後或卧閣以治或懸鞭以威與邑之人相安於無事哉此余猗志之

修之所以不能已也夫前令毛君去舊志之作僅五十年耳已汲汲然有以續之今以其數則倍之以其時則人心不古江河日下而余適承其乏謂能稍自因循聽其仍舊而不急於新之哉嘗攷唐元和國計簿增減仿於天寶宋皇祐會計錄法制沿於紹興揆往日之簡編爲將來之軌躅用功既易收效維均爰就舊志所載詳加考核其修於雍正七年者久爲成書今仍依舊其續於乾隆三十九年者鈔板無存卷帙亦少稍爲損益亟付棗梨厥後百年吏治之得失民俗之純雜士習之污隆與夫一切鉅細可以備察

核而資勸懲者舉不勝書會永濟孝廉崔少伊先生主講郇陽書院已歷十稔邑之士敬而習焉迺以採訪委諸儒紳某某而延先生爲余纂輯揆諸從前兩志同者仍之異者更之缺者綴之繁者節之昔無而今有者分類而悉及之事必據實語無憑虛聊備一邑之圖籍供後賢之考稽於班條綱紀未必無小補焉雖然世故之推遷人事之轉移或數年而變或數十年而大變後之視今猶今之視昔余今所修又將有齟齬不合者鄉之戶版一歲不更則生齒不知矣家之譜系一世不修則昭穆莫考矣矧一邑之志顧

聽其絕而不續哉是爲序

同治六年二月中浣知猗氏縣事保定周之楨蓮甫  
謹撰

續猗氏志

序

三

續猗氏縣志序

志非隨時增修必至殘缺日甚莫可補救猗志自乾隆甲午續後迄今已九十餘年天時人事屢更迭變上而典禮政治下而士習民風大而循績人物小而耆壽列女均有厯厯可紀者且續版久經淪落舊版亦多殘毀倘不急爲整修後益難爲力矣第事非主自上伊誰是肩此邑人士惴惴於絕續之秋恐終淪爲杞宋而無可如何者也歲癸亥保定蓮甫周侯以名孝廉

簡任來猗初下車卽以修舉廢墜爲急去歲同人因公集

續猗氏志

序

署偶議及此侯毅然曰需者事之賊也前之人有待於後今復待後是轉相待而訖無成也況此又決不可待之事乎舊志勿庸重訂可取續志而增刪之與新續合爲一編爰命同人廣爲採訪秉公酌奪以期無濫無遺承命之下矢公矢慎就耳目所及周事蹟有確據者各爲小草以聽筆削於侯復借潤色於主講郟陽書院蒲坂少伊 崔先生閱六月而臧事邑人士無不手額相慶謂一百三十八年事蹟燦然明備候之有造於猗也不誠大且遠哉予於此竊爲邑人幸並爲邑人勗宮牆祀位之俱理則對越如在矣

書院膏火之增修則游息有地矣循績人物孝義之特書則典型在望矣耆壽方技識餘之一善必錄雖平民可與士君子爭名矣作廟修城不肯役夫滋擾助餉團鍊未嘗履畝加徵休養至而人得樂手足之寬矣前邑尊經營締造備極周至惟邑志一書有志未逮今蒙賢父師振作纂輯鄰邑聞風猶嘖嘖樂道矧庇宇下感戴當更何如彼爲之士者胡弗爭自琢磨希踪先哲也農工商賈胡弗各勤業以贍其身家相率而爲善良也且唐魏遺風夙稱近古近今雖少凌夷然一變可以至道凡我邑人胡弗力返勤儉之舊以仰承賢父師化民成俗之至意也至乾隆中諸先輩嘉言懿行或有湮沒不彰者雖文獻之無徵實搜羅之未徧則又不得不任其咎矣後有作者匡所不逮此則同人之深幸也夫

邑人陳賓鎬撰

邑乘之示教切矣哉予於壬辰秋月承乏猗卽留心  
戶口田賦與夫士習民風思所以撫字而振作之既  
時訪紳士詢庶老得其畧又以退食暇博觀猗志往  
往今與昔多不符蓋志之不修將五十年矣間嘗縱  
談往事猗家饒蓋藏戶敦懿誦縉紳半居城闈衣冠  
不改舊風近則生齒日繁乾餼失德朱門皆白屋而  
閭巷蠅頭瑣屑同室操戈矣夫

國家致治百餘年

聖天子軫念民依戶口永不審編丁差盡歸地畝向刊舊  
志豈意及此食太平福古處之弗敦民則蚩蚩矣誰

續猗氏志

舊續志序

一

首四民而不身為倡乎且夫人卽不肖未嘗不樂道  
先人卽先人有可議未嘗不道其可傳數事由此一  
念擴而充之舜蹠果不相遠而平日清明之氣人盡  
可爲聖賢而無疑爾猗人亦聞而邑之先有情殷睦  
嫻輸粟濟急者乎此非予之私言也有先予而贈以  
言者矣又聞而邑之先有孝于親友于弟閉戶著書  
畫公門不入者乎此非予之私言也有借衆環予而  
言者矣乃若得志爲封疆臣或一命吏有治績卓卓  
俎豆馨香彪炳人耳目者予旣聞之矣爾猗人雖欲  
私之誰得私之哉夫蓋棺定論權自上操善善從長

志與史異值今猗志不修典型就湮後進何由景仰  
况城池田賦已既與時更新倉貯學宮罔非國脉所  
繫職官何人選舉何人日復一日逮後姓氏莫考謂  
守土何若夫疆域橋梁之修阻村墅寺觀之羅列變  
遷無多舊志俱在其他無從稽或可稽不必稽者概  
無庸悉而別爲卷軸附於末曰續猗氏志提要也省  
工也後有作者假邑乘以風世匡鄙見所未逮合前  
志而彙訂之是望博物君子肯

乾隆三十九年歲次甲午孟夏上澣之吉知猗氏縣  
事歷城毛圻敘

續修縣志姓氏

纂修

知猗氏縣事周之楨

蓮甫壬子舉人直隸清苑人

協修

主講郇陽書院崔會

頤少伊癸卯舉人永濟人

編次

邑

人

陳賓

鎬

我嘉乙未舉人甯武縣教諭

邑

人

韓及

時

可亭庚申恩貢

邑

人

趙敬之

惺

齊庚申歲貢

邑

人

王鶴齡

心樵

廩生

續猗氏志

姓氏

校正

邑

人

陳元復

仲熙

甲寅郡庠歲貢

邑

人

楊通

今

達觀丙辰恩貢

邑

人

岳封

荆

衡南附貢生大同縣教諭

續猗氏縣志目錄

卷一

城池 橋梁附

學校 書院附

祠祀

公署

卷二

戶口

田賦

倉貯

風俗

職官

循績

卷三

選舉

封廕

續猗氏志

目錄

人物

忠烈

孝義

方技

耆壽

卷四

列女

祥異

識餘

藝文 撰著附

例言

一舊志謂春秋之末猗頓大畜牛羊於郟南秦併六國以猗氏置縣蓋因猗頓名也按孔叢子頓適西河畜牛羊猗氏之南是先有猗氏後有猗頓路史夏有猗國猗之名實肇此用特辨正俾覽者不至訛以傳訛

一學宮崇祀宜謹位次近兩廡從祀諸儒先後多失倫序謹將同治四年禮部所頒祀位詳爲臚列俾司事者得所遵循

一合傳之體昉於史遷今志事以類從父子可合兄弟可合異姓亦可合也各寓微意並非師心

續猗氏志

例言

一

一志彷彿史傳與碑版誌銘不同無稱公之例茲循續人物等皆直書名明爲天下公論非一人之私稱也

一人物等志總以蓋棺論定惟耆壽內間有一二現存者因其人素行可取要亦無乖志體

一文章所以經世舊續志概從割愛殊爲缺典今仍存藝文一門並臚列著述於後亦殊增志乘之光

一識餘一門爲事爲人隨見隨錄未遑按次鋪敘閱者幸勿以凌雜見譏

城池

猗城舊築以土新甃以磚屹然巍然視昔壯觀矣顧語有之衆志成城則設險守國而守國不徒恃險也誰司民牧撫茲金湯可爲繭絲不爲保障哉

猗城築以土昉於唐宋明以來日就頽圯矣乾隆三十一年

天子軫念民瘼未雨綢繆發帑金四萬有奇詔築土胎周圍包以磚基廣一丈八尺頂寬一丈二尺身高二丈五尺自西門甕城起至西北城角底東北城角又南至東門甕城計長八百五十九丈猗氏知縣史湛承

續猗氏志

卷一

城池

一

辦豎碑爲記自東門甕城起至東南城角底西南城角又北至西門甕城計長四百八十七丈滎河知縣楊令琢協辦豎碑爲記其四門城樓各加匾額東曰五雲迎曉西曰嶽色西來南曰涑流繞檻北曰孤峯拱秀

咸豐三年知縣傅猷著因土胎漸多剝蝕補築完固論曰築城巨功也猗人言湛旣拜命百物蜎集應酬旁午而居民安堵雞犬不驚可不謂賢乎福猗如湛宜家祀而尸祝之也

附  
橋梁

永濟橋在西門外同治五年知縣周之楨倡衆重修  
涑水橋俗呼爲景滑橋自乾隆年間迭經大水兩岸漸  
次淤高至嘉慶年間而橋與地平矣里人重建舊三  
孔今一孔

高頭橋

東三里橋

馬家營橋

杜村橋

香落橋

智光橋

續猗氏志

卷一

橋梁

二

以上六橋皆豎柱中流駕石爲梁近涑水爲上流所  
壅數年或一至境而橋幾成虛設矣

學校

文廟崇祀

先師自京師下訖郡邑各得建置其位次自

至聖下配以顏曾思孟東西各六哲兩廡祀先賢先儒

或以時更或以齒序先後倫次秩然井然同治二年

又經禮臣依次繪圖

詔頒天下學宮一律遵照茲謹將圖式詳載志中從此奉

俎豆以明禮仰

宮牆之特峻質旁臨上赫然鑒觀所以正祀典而肅觀

瞻者端在是矣司鐸者敢任其稍有陵躐哉

續猗氏志

卷一

學校圖序

三

大成殿祀位圖

至聖先師孔子

復聖顏子  
述聖子思子

先賢有子  
先賢卜子  
先賢仲子  
先賢端木子  
先賢冉子

宗聖曾子  
亞聖孟子

先賢冉子  
先賢宰子  
先賢冉子  
先賢言子  
先賢轅孫子  
先賢朱子



# 崇聖祠祀位圖

昌聖王伯夏公  
 裕聖王祈父公  
 肇聖王木金父公  
 詒聖王防叔公  
 啟聖王叔梁公

先賢程氏  
 先賢顏氏  
 先賢子思

先儒蔡氏  
 先儒程氏  
 先儒周氏

先賢如出  
 先賢相繼出

先儒張氏  
 先儒朱氏

續猗氏志

卷一

學校圖

五

大成殿正位

至聖先師孔子

東配

復聖顏子

漢永平十五年祀七十二弟子顏子位第一  
 魏晉祀孔子均以顏子配唐貞觀二年以孔  
 子為先聖顏子配饗

述聖子思子

宋大觀二年從祀端平三年  
 升列哲位咸淳三年配饗

西配

宗聖曾子

唐開元八年從祀  
 宋咸淳三年配饗

亞聖孟子

宋元豐七年  
 年配饗

以上配位宋以前皆稱封爵元至順元年贈顏子充

國復聖公會子邴國宗聖公子思子沂國述聖公孟  
子鄒國亞聖公明嘉靖九年改稱復聖顏子宗聖曾  
子述聖子思子亞聖孟子

國朝因之

東哲

先賢閔子 唐開元八年從祀

先賢冉子 唐開元八年從祀

先賢端木子 唐開元八年從祀

先賢仲子 唐開元八年從祀

先賢卜子 唐貞觀二十一年以經師從祀

續猗氏志

卷一

學校

六

先賢有子 唐開元八年從祀 國朝乾隆三年升列哲位

西哲

先賢冉子 唐開元八年從祀

先賢宰子 唐開元八年從祀

先賢冉子 唐開元八年從祀

先賢言子 唐開元八年從祀

先賢顓孫子 唐開元八年從祀 宋咸淳三年升列哲位

先賢朱子 宋建炎四年生 慶元六年卒 年七十一 淳祐元年從祀 國朝康熙五十一年升列

哲位

以上哲位宋以前皆稱封爵明嘉靖九年改稱先賢